



UNIVERSITÄTS-
BIBLIOTHEK
PADERBORN

Universitätsbibliothek Paderborn

Metropolis Salisbvr gensis

Continens. Fvndationes Et Erectiones Monasteriorvm, Et Ecclesiarum
Collegiatarum, &c. per Boiarum, ac loca quædam vicina

Hund, Wiguleus

Monachii, 1620

Confirmatio foundationis, ordinis, Bonorum per Adrianum PP. IV.

urn:nbn:de:hbz:466:1-13591

Quicquid juris habetis in decima salis qui coquitur de fonte *Halla*. Ex dono *Ebonis*, *Iacconis*, & *Babonis* aquas quas in eodem fonte ad sal coquendum habetis. Prædium situm in loco qui dicitur *Oocheim*, cum appendiciis suis. Ex dono *Sigbotonis* prædium quod dicitur *Vnchen*. Ex dono *Heinrici* filij *Etechonis* & fratris eius prædium quod dicitur *Nutzerpoum* cum omnibus pertinentiis suis. Statuimus ut in Ecclesiis vestris in quibus fratres vitam Canonicam professi degunt, nulli omnino post factam in locis vestris canonicam professionem exinde liceat sine communi congregationis permissione discedere, discedentem verò nullus audeat retinere. Si verò post secundam vel tertiam commonitionem redire contempserit, liceat eiusdem loci Præposito canonicam in eum proferre sententiam. Sane ipsa plebs *Hallensis*, sicut à jam dicto Archiepiscopo canonicè statutum est, à nullo successorum suorum vobis auferatur, sed in dispositione Præpositi nostri permaneant. Ad hæc adiicientes statuimus, ut capellæ, quæ infra terminos parochialis Ecclesiæ *Hallensis* fundatæ sunt, sicut ab ipso Archiepiscopo rationabiliter prouisum est, eidem matri Ecclesiæ subiaceant. In futuro autem, absque assensu Præpositi vestri, nouas in ipsa parochia capellas edificari prohibemus, salua nimirum sedis apostolicæ & proprii Episcopi auctoritate, sepulturam quoque ipsius loci liberam esse decernimus, ut eorum qui se illic sepeliri deliberauerint, deuotioni & extremæ voluntati, nisi fortè excommunicati vel interdicti sint, nullus obstat, salua iustitia matricis Ecclesiæ. Obeunte verò te, nunc eiusdem loci Præposito, vel tuorum quolibet successorum, nullus ibi qualibet surreptionis astutia seu violentia præponatur, nisi quæ fratres communi consensu, vel fratrum pars consilij sanioris secundum Dei timorem & *B. Augustini* regulam prouiderint eligendū. Decernimus ergò ut nulli omnino hominum liceat præfatum locum temerè perturbare, aut eius possessiones auferre, vel ablatas retinere, minuere, seu quibuslibet vexationibus fatigare, sed omnia integra conseruentur eorum, pro quorum gubernatione & sustentatione concessa sunt vsibus omnimodis, præ futura, salua sedis apostolicæ auctoritate, & Dioccesani Episcopi canonica iustitia & reuerentia. Si qua igitur in futurum Ecclesiastica secularisue persona huius nostræ constitutionis paginam sciens contra eam temerè venire contempserit, secundò tertioque commonita nisi reatum suum cõgrua satisfactione correxerit, potestatis honorisque sui dignitate careat, reamque se diuino iudicio existere de perpetrata iniquitate cognoscat, & à sacratissimo corpore & sanguine Dei & Domini redemptoris nostri Iesu Christi aliena fiat, atque in extremo examine districtæ ultioni subiaceat. Cunctis autè eidem locis sua iura seruantibus, sit pax Domini nostri Iesu Christi, quatenus & hic fructum bonæ actionis percipiant, & apud districtum iudicem præmia æternæ pacis inueniant, Amen. Datum *Viterbi* per manum *Baronis* S. Romanæ Ecclesiæ Subdiac. X. Cal. Octob. Indict. decima, Incarnationis Dominicæ An. M. C. XLVI. Pontificatus verò Domini *Eugenij* PP. III. anno secundo.

Confirmatio foundationis, ordinis, Bonorum per

Adrianum PP. IV.

Adrianus Episcopus seruus seruorum Dei, dilectis filiis *Heinrico* Præposito Ecclesiæ *S. Zenonis Hallensis*, eiusque fratribus tam præsentibus quam futuris regularem vitam professis in perpetuum. Quoniam sine veræ cultu religionis nec charitatis unitas potest subsistere, nec Deo gratum exhiberi seruitium, expedit apostolicæ auctoritati religiosas personas diligere, & earum quieti auxiliante Domino, prouidere. Eapropter dilecti in Domino filij venerabilis fratris nostri

uu 4

Eberhar-

Eberhardi Salisburgensis Archiepiscopi precibus inclinati, vestris iustis postulationibus clementer annuimus, & ad exemplar prædecessoris nostri sanctæ recordationis *Eugenij* Papæ, præfatam Ecclesiam *S. Zenonis*, in qua diuino participati estis obsequio, sub beati *Petri* & nostra protectione suscipimus, & præsentis scripti priuilegio communimus. In primis siquidem statuentes, vt ordo *Canonicus*, qui secundum *B. Augustini* regulam in eodem loco noscitur institutus, perpetuis ibidem temporibus inuiolabiliter obseruetur. Præterea quas cunque possessiones, quas cunque bona tam ex dono *Conradi* quondam Archiepiscopi *Salisburgensis* fundatoris loci vestri, quàm aliorum Dei fidelium in præsentiarum iuste & canonicè possidetis, aut in futurum concessione Pontificum, largitione Regum vel Principum, oblatione fidelium, seu aliis iustis modis præstante Domino poteritis adipisci, firma vobis vestrisque successoribus & illibata permaneant. In quibus hæc propriis duximus exprimenda vocabulis. Curtem sitam ante portam eiusdem Ecclesiæ cum omnibus appendiciis suis, & prædium quod dicitur *Svvan*, ex dono ipsius Archiepiscopi. Quicquid juris habetis in decima falis qui coquitur de fonte *Halle*. Ex dono *Heinrici* filij *Etebonis* & fratris eius: prædium quod dicitur *Nutzpoum* cum omnibus pertinentiis suis. Ex dono *Ebonis*, *Iacconis* & *Babonis*, aquas quas in eodem fonte ad sal coquendum habetis prædium situm in loco qui dicitur *Ocheim* cum appendiciis suis. Ex dono *Sibotonis* prædium quod dicitur *Vnchen*. Statuimus vt in Ecclesiis vestris, in quibus fratres vitam canonicam professi fuerint, nulli omnino post factam canonicam professionem exinde liceat sine communis cõgregationis permissione discedere; discedentem verò nullus audeat retinere. Si verò post secundam vel tertiam cõmonitionem redire contempserit, liceat eiusdem loci Præposito canonicam in eum proferre sententiam. Sanè ipsa plebs *Hallensis*, sicut à iam dicto *Conrado* Archiepiscopo canonicè statutum est, à nullo successorum vobis auferatur, sed in dispositione Præpositi vestri permaneat. Ad hæc adiicientes statuimus, vt capellæ quæ infra terminos parochialis Ecclesiæ *Hallensis* fundatæ sunt, sicut ab ipso Archiepiscopo rationabiliter prouisum est, eidem matri Ecclesiæ subiaceant. In futuro autem absque assensu Præpositi vestri nouas in ipsa parochia capellas ædificari prohibemus, salua nimirum sedis apostolicæ & proprii Episcopi auctoritate. Sepulturam quoque ipsius loci liberam esse concedimus, vt eorum deuotioni & extremæ voluntati, qui se illic sepeliri delibauerint, nisi forte excommunicati vel interdicti sint, nullus obstat, salua tamen iustitia matri Ecclesiæ. Præterea exemptionem personæ tuæ, & Ecclesiæ tibi commissæ à subiectione *Salisburgen*. Archidiacon. per venerabilem fratrem nostrum *Eberhardum Salisburgen*. Archiepiscopum canonicè factam, tibi & per te Ecclesiæ tuæ auctoritate sedis apostolicæ confirmamus. Obeunte verò tempore eiusdem loci Præposito, vel tuorum quolibet successorum, nullus ibi qualibet surreptionis astucia seu violentia præponatur, nisi quem fratres communi consensu, vel fratrum pars consilij sanioris secundum Dei timorem & *B. Augustini* regulam prouiderint eligendum. Decernimus ergò vt nulli omnino hominum liceat supradictam ecclesiam temerè perturbare, aut eius possessiones auferre, vel ablatas retinere, minuere, seu quibuslibet vexationibus fatigare. Sed illibata omnia & integra conseruentur eorum pro quorum gubernatione & sustentatione concessa sunt vsibus omnimodis profutura, salua sedis apostolicæ auctoritate & *Diocæsani* Episcopi canonica iusticia. Si qua igitur in futurum Ecclesiastica secularisue persona hanc nostræ constitutionis paginam sciens contra eam temerè venire tentauerit, secundò tertioque commonita, nisi presumptionem suam congrua satisfactione correxerit, potestatis honorisq; sui dignitate

gnitate careat, reamq; se diuino iudicio existere de perpetrata iniquitate cognoscat, & à sacratissimo corpore ac sanguine Dei & Domini redemptoris nostri Iesu Christi aliena fiat, atq; in extremo examine districtæ ultioni subiaceat. Cunctis autem eidem loco sua jura seruantibus, sit pax Domini nostri IESU CHRISTI, quatenus & fructum bonæ actionis hic percipiant, & apud districtum iudicem præmia æternæ pacis inueniant, Amen. Dat. Later. per manum Rolandi S. Romanæ Ecclesiæ presbyt. Card. & Cancell. XIII. Calendas Martij. Indictione V. Incarnationis Dominicæ anno M. C. LVI. Pontificatus verò Domini Adriani Papæ IV. anno tertio.

Confirmatio Ordinis & foundationis nostri Monasterij

S. Zenonis cum aliis priuilegiis per Alexandrum PP. III.

Alexander Episcopus seruus seruorum Dei, dilectis filiis Alabydo Præposito Ecclesiæ Hallensis, eiusq; fratribus tam præsentibus quàm futuris regularem vitam professis, in perpetuum. Quoniam sine verè culture religionis nec charitatis vnitas potest subsistere, nec Deo gratum exhiberi seruitium, expediat apostolicæ authoritatè religiofas personas diligere, & eorum quieti & tranquillitati auxiliante Domino salubriter prouidere. Eapropter dilecti in Domino filij vestris iustis postulationibus clementer annuimus, & ad exemplar prædecessorum nostrorum sanctæ recordationis Eugenij & Adriani Romanorum Pontificum, præfatam Ecclesiam, in qua diuino mancipati estis obsequio, sub B. Petri & nostra protectione suscipimus, & præsentis scripti priuilegio cõmunimus. In primis siquidem statuentes, vt ordo Canonicus q̄ secundum Deum & B. Augustini regulam in eodẽ loco noster institutus, perpetuis ibidem temporibus inuolabiliter obseruetur. Præterea quascunq; possessiones, quæcunq; bona, tam ex dono Conradij quondam Archiepiscopi Salisburgen. fundatoris loci vestri, quàm aliorum Dei fidelium in præsentiarum iuste & canonicè possidet, aut in futurum concessione Pontificum, largitione Principum, oblatione fidelium, seu aliis iustis modis præstante Domino poterit adipisci, firma vobis vestrisq; successoribus & illibata permancant. In quibus hæc propriis duximus exprimenda vocabulis. Curtem sitam ante portam Ecclesiæ prænominatæ cum omnibus pertinentiis suis, & prædium quod dicitur *Souante* ex dono ipsius Archiepiscopi. Quicquid iuris habetis in decima Salis qui coquitur de fonte *Halla*. Ex dono *Heinrici* filij *Erichonis* & fratris eius prædium quod dicitur *Nutzpoum* cum omnibus pertinentiis suis. Ex dono *Ebonis*, *Iacconis*, *Babonis*, aquas quas in eodem fonte ad *Salcoquendo* n. l. habetis aquas quas habetis in ipso fonte *an dem Werchpret*. Curtem cum vineis in *Austria*, prædium quod dicitur *Ubingen* cum appendiciis suis. Prædium situm in loco qui dicitur *Oecheim*, cum omnibus appendiciis suis. Ex dono *Sigboronis* prædium quod dicitur *Vachen*. Statuimus vt in ecclesiis vestris in quibus fratres vitam canonicam professi fuerint, nulli omnino post factam canonicam professionem exinde liceat sine cõmunis congregationis permissione discedere, discedentem verò nullis audeat retinere nisi ad maiorem Religionem eum constiterit ascendisse. Sanè ipsa plebs *Hallensis*, sicut à iam die. 10. *Conrado* Archiepiscopo canonicè statutum est, à nullo successorum suorum vobis auferatur, sed in dispositione Præpositi vestri permaneat. Ad hæc adiectis statum, vt capellæ q̄ infra terminos parochialis Ecclesiæ *Hallen.* fundatæ sunt, sicut ab ipso rationabiliter prouisum est, eidẽ matri Ecclesiæ subiaceant. Nouas autẽ absq; assensu *Diocæs.* Episcopi & vestro in ipsa parochia capellæ edificari prohibem.

Præ-